

張仲景金匱要畧論註卷十三

樵李徐

彬忠可甫著

門人張

勳康輿父較

消渴小便不利淋病脉證治第十三

證九條
方六首

厥陰之爲病消渴氣上衝心心中疼熱飢而不欲食
食卽吐下之不肯止

註曰厥陰之爲病消渴七字乃消渴病之大原蓋

消渴者善消而大渴也然或單渴不止或善食而
渴或渴而小便反多後人乃有上消中消下消之

分不知上中下雖似不同其病原總屬厥陰蓋肝
之脉爲厥陰厥陰者風木之臟也與風相得故凡
風病必先中肝然風善行而數變故在經絡在血
脉在肌肉各各不同而又有鬱于本臟者則肝得
邪而實因而乘其所勝陽明受之乘其所生足少
陰受之于是上中下或有偏勝現證稍殊皆爲消
渴皆由厥陰風鬱火燔故曰厥陰之爲病消渴內
經亦有風消二字消必兼風言之亦此意也肝既
邪實木氣喜上揚故氣上衝心心受邪逼故疼且

熱肝得熱而燥。于是子盜母氣。則腎亦病。故飢不欲食。食則吐者。上受邪氣之衝。且肝主嘔逆也。下之不肯止。乃病不由于胃實。而反攻胃。故仍不肯止也。

論曰。內經謂二陽結。謂之消。此獨主厥陰。似乎互異。不知邪氣浸淫。病深腸胃氣聚不散。故曰結。其使腸胃之氣不能健運而成三消。則厥陰實爲病之本。如果病專腸胃。則下之爲中病。消渴宜無不止矣。然多食而飢不止。爲中消。此又云飢不欲食。

則知消渴之病亦有不欲食者但能食而渴者全
重二陽論治飲一洩二重在腎虛論治其不能食
而氣衝者重在厥陰論治此又臨證時微細之辨
乎。

此與水氣不同是寸口脉浮而遲跌陽脉浮而數與證迥異可悟合證論脉之法

寸口脉浮而遲浮即為虛遲即為勞虛則衛氣不足
勞則榮氣竭跌陽脉浮而數浮即為氣數即為消穀
而大堅氣盛則洩數洩數即堅堅數相搏即為消渴
註曰此段論消渴之脉當從寸口跌陽合而證之
也病消渴者雖非形病然中氣不純運化促急元

凡渴屬熱
故知不因
寒也

氣不厚○榮衛自虛○故寸口脉浮而遲○浮不因表是
屬氣不斂矣○故曰浮○卽爲虛○遲不因寒是屬榮不
充盛矣○故曰遲○卽爲勞○勞者猶言罷勞也○氣旣不
斂○則不能并力內入而循運度之常○故曰虛○則衛
氣不足○榮不充盛○則不能輔氣健運而見遲慢之
狀○故曰勞○則榮氣竭○蓋消渴症本屬熱邊○而寸口
脉但見虛狀○不見熱脉○可知消渴爲結熱在下○不
必見之寸口脉也○若跌陽則專主二陽之脉○乃浮
而數○浮則爲氣鼓不下○故曰浮○則爲氣數則脾強

金匱要略論治 卷之三
而約穀易消而熱愈堅故曰數卽爲消穀而大堅
溲者溺也氣有餘卽是火火性急速故溲數溲數
而陰氣耗陽亢無製故堅堅者熱結甚也熱不爲
溲解陽亢陰亡故曰相搏陰亡而陽愈亢故曰卽
爲消渴此言消渴之病結在二陽脉當全責趺陽
也然前云飢不欲食此言消穀則似與邪結厥陰
者微有虛實之不同矣

男子消渴小便反多以飲一斗小便一斗腎氣丸主

之方見產後

註曰陰不能製陽而腎失開閤之權故便多無制然非真陽有餘實邪氣亢甚所謂氣盛則洩數也故既以六味丸料壯水之主以制陽光仍藉桂附以復其真陽則燭火息而陰陽平耳

脉浮小便不利微熱消渴者宜利小便發汗五苓散主之方見痰飲

註曰脉浮微熱是表未清也消渴小便不利是裏有熱也故以桂枝主表白朮苓澤主裏而多以熱水助其外出下達之勢此治消渴之淺而近者也

按此與上條同是消渴。上條小便多知陰虛熱結。此條小便不利而微熱。卽爲客邪內入。故治法迥異。然客邪內入非真消渴也。合論以示辨耳。

渴欲飲水。水入則吐者。名曰水逆。五苓散主之。

註曰。因渴飲水。水太多而驟。以致水入卽吐。此病中之病也。故不復重其消渴。而但曰水逆。見當急治其新病。然藥亦不過五苓。五苓固主雙解表裏。而下水之功尤速也。

渴欲飲水不止者。文蛤散主之。

訐曰渴欲飲水此裏有熱也不止則其熱之結堅矣。文蛤性鹽而爲至陰之物能軟堅能潤燥能除熱故主之。然只一味取其專而下入以清中下焦之燥熱也已。上治消渴三方藥皆以治中下焦爲急。可知消渴之病本由厥陰甚則二陽結而累及于腎治不宜輕動其上焦矣。

論曰渴欲飲湯與渴欲飲水不同。渴欲飲湯乃胃家燥熱渴欲飲水乃是氣壅陰燥故有水似不宜渴而反渴欲飲水則治法迥別。今人見渴卽混同。

論治所誤多矣。觀仲景前後治法，不曉然乎？又人有夜臥則唇口乾燥，坐起陽升，卽口中津潤。唯陰燥故得陽而氣化，則乾燥卽止也。但比日間亦渴欲飲水者，不甚耳。

文蛤散方

右一味杵爲散，以沸湯五合和服，方寸匕。

淋之爲病，小便如粟狀，小腹弦急，痛引臍中。趺陽脈數，胃中有熱，卽消穀引飲，大便必堅，小便卽數。淋家不可發汗，發汗則必便血。

註曰此三條總論淋證首一段謂淋之爲病全在下焦故前十一卷內言下焦有熱亦主淋閉不通此言小便如粟狀粟者色白而滴瀝甚則如米屑也然氣血不同故後人有五淋之名小腹氣不和失其渾厚之元則弦急矣熱邪上乘則痛引臍中矣跌陽一段是言淋之病雖不必盡由于胃而有跌陽脉數者乃屬胃中有熱卽另見消穀引飲大便堅小便數之證此淋病之近于消渴者也淋家一段謂淋爲下焦內症故以汗爲戒誤汗則便血

發其陽則動血也不出方者淋病下焦主之而胃
熱則近消渴腎熱則類小便不利前後方可相通
酌用耳

小便不利者有水氣其人若渴用括蘂瞿麥丸主之
註曰小便不利此膀胱有熱也膀胱通周身之水
道既艱滯難出則水停而逆故曰有水氣然使不
渴則熱止膀胱若渴是氣化之原亦熱故以瞿麥
茯苓逐水而以括蘂根清上焦之熱脾腎之元氣
不可不養故以山藥培其本膀胱雖熱由腎實虛

而開閣失職故以附子補其元陽且膀胱既爲濕熱所困氣餒不行故須附子大力爲瞿麥茯苓之先鋒耳。

拈蔓瞿麥丸方

薯蕷

三兩

括蔓根

二兩瞿麥

一兩

附子

一枚炮

茯苓

三兩

右五味末之煉蜜爲丸梧子大飲服二丸日三服

不知增至七八丸以小便利腹中溫爲知

小便不利蒲灰散王之滑石白魚散茯苓戎鹽湯并

主之。

註曰蒲灰卽蒲席燒灰也。能去濕熱。利小便。滑石。能通九竅。去濕熱。故主之。白魚能開胃下氣去水。氣髮爲血。餘入陰。故合滑石。則陰分之濕熱去而。小便利也。若茯苓戎鹽湯。內有白朮。健脾。茯苓滲。濕。戎鹽。出山坡陰土石間。不經煎煉。入腎除陰火。兼清熱。故以爲使。然此方較前二方。則補養多矣。

蒲灰散方

蒲灰

半觔

滑石

一觔

右二味杵爲散飲服方寸七日三服

滑石白魚散方

滑石 一觔

亂髮

燒

一觔

白魚

一觔

右三味杵爲散飲服方寸七日三服

茯苓戎鹽湯方

茯苓

半觔

白朮

二兩

戎鹽

彈丸大二枚

右三味先將茯苓白朮煎成入戎鹽再煎分溫三

服

渴欲飲水口乾燥者白虎加人參湯主之

方見暑門

註曰此亦消渴之類也。但渴欲飲水而口乾燥則肺氣既熱更陽虛而陰燥見于外其熱浮故以白虎湯治其火清其熱復以人參補其虛與耑治中下焦而散其結熱者迥異。

脉浮發熱渴欲飲水小便不利猪苓湯主之。

方見首卷

註曰此卽五苓散而以滑石阿膠易去桂朮也。謂脉浮發熱熱似在表渴欲飲水小便不利內熱復甚則已衰之表熱不足慮而陰熱水停變將無窮故既以苓澤導水而加阿膠滑石則滋陰蕩熱爲